



GRADONAČELNIK

Broj: 07-841/26

Datum: 04.05.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-841/26 od 27.04.2026. godine za javnu nabavku izvođenja radova na izgradnji distributivne mreže za naselja Tinja Gornja, Tinja Donja, Previle i Potpeć – faza III, grad Srebrenik, d o n o s i:

ODLUKU O IZBORU PONUĐAČA

I

Prihvata se preporuka Komisije, prema Zapisniku broj: 07-841/26 od 27.04.2026. godine te se Ugovor za javnu nabavku izvođenja radova na izgradnji distributivne mreže za naselja Tinja Gornja, Tinja Donja, Previle i Potpeć – faza III, grad Srebrenik u ukupnom iznosu od 542.750,67 KM (cijena bez uračunatog PDV-a), odnosno u iznosu od 635.018,28 KM (cijena sa uračunatim PDV-om) dodjeljuje ponuđaču „HIDROMONT“ d.o.o. Srebrenik a u skladu sa ponudom broj: 0417/26 od 15.04.2026. godine i Izvještajem o toku i završetku e-aukcije od 29.04.2026. godine.

II

Izabrani ponuđač iz člana I ove Odluke, dužan je u roku od 7 dana od dana prijema iste, dostaviti dokaze po članu 45. stav (2) Zakona o javnim nabavkama iz tačke 3.1. Tenderske dokumentacije. Dokazi koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRASLOŽENJE

Odlukom o pokretanju postupka za javnu nabavku izvođenja radova na izgradnji distributivne mreže za naselja Tinja Gornja, Tinja Donja, Previle i Potpeć – faza III, grad Srebrenik, broj: 07-841/26 od



25.03.2026. godine, pokrenut je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena. Ukupna procijenjena vrijednost nabavke iznosi 547.894,23 KM (bez PDV-a).

Obavještenje o nabavci predmetnih radova objavljeno je na Portalu javnih nabavki dana 27.03.2026. godine pod brojem: 761-1-3-31-3-62/26 i sažetak Obavještenja o nabavci, objavljen u „Službenom glasniku BiH“ broj: 25/26 dana 03.04.2026. godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. **“HIDROMONT” d.o.o. Srebrenik**, broj ponude: 0417/26 od 15.04.2026. godine u iznosu od 545.150,67 KM (bez PDV-a);
2. **“TED INVEST” d.o.o. Sarajevo**, broj ponude: 03-30/26 od 16.04.2026. godine u iznosu od 546.862,72 KM (bez PDV-a);
3. **“KM-GRADNJA” d.o.o. Tešanj**, broj ponude: 17-04-VT/26 od 15.04.2026. godine u iznosu od 525.578,90 KM (bez PDV-a) i
4. **Grupa ponuđača “BUŠENJE ISPOD PUTEVA – BORHTECHNIK” d.o.o. Brčko i “PAPILON” d.o.o. Čelić**, broj ponude: 07-BT/2026 od 17.04.2026. godine u iznosu od 542.892,82 KM (bez PDV-a)

Uvidom u dostavljenu ponudu ponuđača **“TED INVEST” d.o.o. Sarajevo**, Komisija je uočila računsku grešku u dijelu IV-montažni radovi, na način da ukupan zbir montažnih radova iznosi 117.593,40 KM a ne 117.593,41 KM. Povodom toga, Komisija je uputila Saglasnost za ispravku računске greške broj: 07-841/26 od 29.04.2026. godine, a imenovani ponuđač dostavio je traženu saglasnost dana 30.04.2026. godine, broj: 02-81/26.

Zatim, ponuđač nije upisao cijenu za ukupne završne radove na za to predviđenom mjestu (UKUPNO ZAVRŠNI RADOVI (KM) – prazna rubrika) u predmjeru i predračunu na str. 14 Ponude, što čini njegovu ponudu **nepravilnom jer nije u skladu sa tenderskom dokumentacijom, u vezi sa članom 2 stav (1) tačka I) alineja 3) Zakona o javnim nabavkama.**

Nadalje, ponuđač je dostavio Ugovor o djelu zaključen 15.04.2026. godine između Naručioaca „TED INVEST“ d.o.o. Sarajevo i izvršioca usluga Delmanović Adila (str. 35 Ponude). Na navedenom ugovoru nije ovjeren potpis angažovanog lica Delmanović Adila od strane nadležnog organa, a u skladu sa tačkom 3.4. pod I tenderske dokumentacije: „*Osnov angažovanja za zahtijevano tehničko osoblje (inženjer građevine, dva VK/KV rukovaoca građevinskim mašinama i 3 radnika vodoinstalatera) je potvrda o uposlenim od nadležnog organa ili ugovor o angažovanju za izvršenje ugovora za zahtijevano osoblje sa ovjerenim potpisom angažovanog lica kod nadležnog organa.*“ Isti propust Komisija je utvrdila i kod Ugovora o djelu zaključenog između Naručioaca „TED INVEST“ d.o.o. Sarajevo i izvršioca usluge Kozić Seada (str. 43 Ponude) Na navedenom ugovoru nije ovjeren potpis angažovanog lica Kozić Seada od strane nadležnog organa.

Zatim, punomoć na str 97 Ponude nije uvezana nego je samo priložena na za to predviđenom mjestu, što nije u skladu sa tačkom 6.1. tenderske dokumentacije i to u dijelu: „...*Ponuda se čvrsto uvezuje na način da se onemoguću naknadno vađenje ili umetanje listova. ...pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude.*“

Zbog navedenog nedostatka ponuda ponuđača **“TED INVEST” d.o.o. Sarajevo** ocjenjena je kao **neprihvatljiva, jer ne ispunjava kriterije za kvalifikaciju privrednog subjekta**, a u skladu sa članom 2 stav (1) tačka 1) alineja 2) Zakona o javnim nabavkama, te se kao takva odbacila.

Uvidom u dostavljenu ponudu ponuđača **“KM-GRADNJA” d.o.o. Tešanj**, Komisija je konstatovala da ponuđač dostavio Izjavu o kadrovskoj osposobljenosti (str. 29 Ponude) kojom potvrđuje da Rifat Hadžismajlović posjeduje 3 godine radnog iskustva. Međutim, uvidom u Uvjerenje o osiguranju (str. 32 Ponude) vidljivo je da je imenovani prijavljen kod ponuđača sa VSS tek od 21.06.2024. godine. Za period osiguranja od 01.10.2014. godine do 31.03.2021. godine u kojem je bio prijavljen kod poslodavca „ČOSIĆPROMEX“ d.o.o. Usora ponuđač nije dostavio uvjerenje ili potvrdu o radnom iskustvu u struci. Pored toga, nejasno je kako je Rifat Hadžismajlović bio prijavljen sa VSS – građevinski inženjer u firmi „ČOSIĆPROMEX“ d.o.o. Usora od 01.10.2014. godine, obzirom da je diplomu o stečenom visokom akademskom zvanju za diplomiranog inženjera građevinarstva stekao tek 21.09.2019. godine (str. 30 Ponude). Ponuđač stoga nije dokazao da ispunjava uslov iz tačke 3.4. pod I tenderske dokumentacije i to: *„Ponuđač mora imati na raspolaganju najmanje jednog diplomiranog inženjera građevine sa položenim stručnim ispitom i najmanje 3 godine radnog iskustva...”*

Nadalje, ponuđač je dostavio Ugovor o djelu zaključen 06.04.2026. godine između „KM-GRADNJA“ d.o.o. Tešanj kao naručioca i angažovanog lica Hajrić Amira kao izvršioca (str. 41 Ponude). Na navedenom ugovoru nije ovjeren potpis angažovanog lica od strane nadležnog organa, a u skladu sa tačkom 3.4. pod I tenderske dokumentacije: *„Osnov angažovanja za zahtijevano tehničko osoblje (inženjer građevine, dva VK/KV rukovaoca građevinskim mašinama i 3 radnika vodoinstalatera) je potvrda o uposlenim od nadležnog organa ili ugovor o angažovanju za izvršenje ugovora za zahtijevano osoblje sa ovjerenim potpisom angažovanog lica kod nadležnog organa.”*

Navedeni propust Komisija je konstatovala i kod Ugovora o djelu na str 43 Ponude zaključenim 06.04.2026. godine između „KM-GRADNJA“ i Okić Mirzeta te kod Ugovora o djelu na str. 48 Ponude zaključenim 06.04.2026. godine između „KM-GRADNJA“ i Huskić Nermina.

Zbog navedenog nedostatka ponuda ponuđača **“KM-GRADNJA” d.o.o. Tešanj** ocjenjena je kao **neprihvatljiva, jer ne ispunjava kriterije za kvalifikaciju privrednog subjekta**, a u skladu sa članom 2 stav (1) tačka 1) alineja 2) Zakona o javnim nabavkama, te se kao takva odbacila.

Komisija je uočila i računsku grešku kod ponuđača „KM-GRADNJA“ d.o.o. Tešanj koja je rezultirala da ukupna vrijednost radova bez PDV-a iznosi 525.828,82 KM umjesto 525.578,90 KM. Povodom toga, Komisija je uputila Saglasnost za ispravku računске greške broj: 07-841/26 od 27.04.2026. godine a ponuđač je dostavio traženu saglasnost pod brojem 27-04/26 također od 27.04.2026. godine.

Komisija je utvrdila da su ponude ponuđača **“HIROMONT” d.o.o.. Srebrenik**, i **Grupa ponuđača “BUŠENJE ISPOD PUTEVA – BORHTECHNIK” d.o.o. Brčko** i **“PAPILON” d.o.o. Čelić** **potpune, prihvatljive i pravilne**, odnosno da su ponuđači dostavili dokaze tražene tenderskom dokumentacijom.

Obzirom da je za predmetnu nabavku predviđeno provođenje e – aukcije ista je zakazana za 29.04.2026. godine u 14:00h. Kriterij za izbor ponude je *najniža cijena*.

Nakon završene e-aukcije, a na osnovu Izvještaja o toku i završetku e-aukcije od 29.04.2026. godine, Komisija je konstatovala da je za javnu nabavku izvođenja radova na izgradnji distributivne mreže za naselja Tinja Gornja, Tinja Donja, Previle i Potpeć – faza III, grad Srebrenik prvorangirana ponuda

ponuđača ponuđača „HIDROMONT“ d.o.o. Srebrenik u iznosu od 542.750,67 KM (cijena bez uračunatog PDV-a), odnosno u iznosu od 635.018,28 KM (cijena sa uračunatim PDV-om) prihvatljiva i predložila je Gradonačelniku prihvatanje iste ponude, a shodno članovima 64. stav (1) tačka b) i 70. Zakona, donošenje Odluke o izboru ponuđača „HIDROMONT“ d.o.o. Srebrenik, te po ispunjenju uslova zaključenje ugovora u naprijed navedenom iznosu sa imenovanim ponuđačem za predmetne radove.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 4x
2. Službi za poduzetništvo, lokalni razvoj i investicije
3. Evidenciji
4. Budžetu
5. Arhivi



GRADONAČELNIK

Adnan Bjelić